

中阿含經

第十

二百六  
十

49361



元祿九年丙子二月日重脩

皇國 帝新 綴昌

佛日增轉 機輪亦常轉

山城州天安寺法金剛院置



中阿含經卷第十

東晉罽賓三藏瞿曇僧伽提婆譯

薄

習相應品第五

有十  
六經

初一日誦

何義不思念二慙

戒敬各二及本際

二食盡智說涅槃

彌醯即為比丘說

中阿含習相應品何義經第一

給孤獨

我聞如是一時佛遊舍衛國在勝林

園尔時尊者阿難則於晡時從宴坐起往詣

佛所稽首礼足却住一面白曰世尊持戒為

何義世尊答曰阿難持戒者令不悔義阿難

若有持戒者便得不悔復問世尊不悔為何

義世尊答曰阿難不悔者令歡悅義阿難若

有不悔者便得歡悅復問世尊歡悅爲何義  
世尊荅曰阿難歡悅者令喜義阿難若有歡  
悅者便得喜復問世尊喜爲何義世尊荅曰  
阿難喜者令止義阿難若有喜者便得止身  
復問世尊止爲何義世尊荅曰阿難止者令  
樂義阿難若有止者便得覺樂復問世尊樂

爲何義世尊荅曰阿難樂者令定義阿難若  
有樂者便得定心復問世尊定爲何義世尊  
荅曰阿難定者令見如實知如真義阿難若  
有定者便得見如實知如真復問世尊見如  
實知如真爲何義世尊荅曰阿難見如實知  
如真者令厭義阿難若有見如實知如真者

便得厭復問世尊厭爲何義世尊答曰阿難  
厭者令無欲義阿難若有厭者便得無欲復  
問世尊無欲爲何義世尊答曰阿難無欲者  
令解脫義阿難若有無欲者便得解脫一切  
婬怒癡是爲阿難因持戒便得不悔因不悔  
便得歡悅因歡悅便得喜因喜便得止因止

便得樂因樂便得定阿難多聞聖弟子因定  
便得見如實知如真因見如實知如真便得  
厭因厭便得無欲因無欲便得解脫因解脫  
便知解脫生已盡梵行已立所作已辦不更  
受有知如真阿難是爲法法相益法法相因  
如是此戒趣至第一謂度此岸得至彼岸佛

說如是尊者阿難及諸比丘聞佛所說歡喜  
奉行 何義經第一竟

中阿含習相應品不思經第二 初一日誦

我聞如是一時佛遊舍衛國在勝林給孤獨  
園尔時世尊告曰阿難持戒者不應思令我  
不悔阿難但法自然持戒者便得不悔阿難  
有不悔者不應思令我歡悅阿難但法自然  
有不悔者便得歡悅阿難有歡悅者不應思  
令我喜阿難但法自然有歡悅者便得喜阿  
難有喜者不應思令我止阿難但法自然有  
喜者便得止身阿難有止者不應思令我樂  
阿難但法自然有止者便得覺樂阿難有樂

者不應思令我定阿難但法自然有樂者便  
得定心阿難有定者不應思令我見如實知  
如真阿難但法自然有定者便得見如實知  
如真阿難有見如實知如真者不應思令我  
猷阿難但法自然有見如實知如真者便得  
猷阿難有猷者不應思令我無欲阿難但法

自然有猷者便得無欲阿難有無欲者不應  
思令我解脫阿難但法自然有無欲者便得  
解脫一切婬怒癡阿難是為因持戒便得不  
悔因不悔便得歡悅因歡悅便得喜因喜便  
得止因止便得樂因樂便得定心阿難多聞  
聖弟子有定心者便見如實知如真因見如

實知如真便得猒因猒便得無欲因無欲便  
得解脫因解脫便知解脫生已盡梵行已立  
所作已辦不更受有知如真阿難是爲法法  
相益法法相因如是此戒趣至第一謂度此  
岸得至彼岸佛說如是尊者阿難及諸比丘  
聞佛所說歡喜奉行

不思經第二竟

中阿含習相應品念經第三

初一日誦

我聞如是一時佛遊舍衛國在勝林給孤獨  
園尔時世尊告諸比丘若比丘多忘無正智  
便害正念正智若無正念正智便害護諸根  
護戒不悔歡悅喜止樂定見如實知如真猒

無欲解脫若無解脫便害涅槃若比丘不及  
忘有正智便習正念正智若有正念正智便  
習護諸根護戒不悔歡悅喜止樂定見如實  
知如真獸無欲解脫若有解脫便習涅槃佛  
說如是彼諸比丘聞佛所說歡喜奉行

念經第三竟

中阿含習相應品慚愧經第四

初一日誦

我聞如是一時佛遊舍衛國在勝林給孤獨  
園尔時世尊告諸比丘若比丘無慚無愧便  
害愛恭敬若無愛恭敬便害其信若無其信  
便害正思惟若無正思惟便害正念正智若  
無正念正智便害護諸根護戒不悔歡悅喜

止樂定見如實知如真猷無欲解脫若無解  
脫便害涅槃若比丘有慚有愧便習愛恭敬  
若有愛恭敬便習其信若有其信便習正思  
惟若有正思惟便習正念正智若有正念正  
智便習護諸根護戒不悔歡悅喜止樂定見  
如實知如真猷無欲解脫若有解脫便習涅

槃佛說如是彼諸比丘聞佛所說歡喜奉行  
慚愧經第四竟

中阿含習相應品慚愧經第五 初一日誦

我聞如是一時佛遊舍衛國在勝林給孤獨  
園尔時尊者舍利子告諸比丘諸賢若比丘  
無慚無愧便害愛恭敬若無愛恭敬便害其

信若無其信便害正思惟若無正思惟便害  
正念正智若無正念正智便害護諸根護戒  
不悔歡悅喜止樂定見如實知如真猷無欲  
解脫若無解脫便害涅槃諸賢猶如有樹若  
害外皮則內皮不成內皮不成則莖幹心節  
枝葉華實皆不得成諸賢當知比丘亦復如  
是若無慙無愧便害愛恭敬若無愛恭敬便  
害其信若無其信便害正思惟若無正思惟  
便害正念正智若無正念正智便害護諸根  
護戒不悔歡悅喜止樂定見如實知如真猷  
無欲解脫若無解脫便害涅槃諸賢若比丘  
有慙有愧便習愛恭敬若有愛恭敬便習其

信若有其信便習正思惟若有正思惟便習  
正念正智若有正念正智便習護諸根護戒  
不悔歡悅喜止樂定見如實知如真猷無欲  
解脫若有解脫便習涅槃諸賢猶如有樹不  
害外皮則內皮得成內皮得成則莖幹心節  
枝葉華實皆得成就諸賢當知比丘亦復如  
是若有慙有愧便習愛恭敬若有愛恭敬便  
習其信若有其信便習正思惟若有正思惟  
便習正念正智若有正念正智便習護諸根  
護戒不悔歡悅喜止樂定見如實知如真猷  
無欲解脫若有解脫便習涅槃尊者舍利子  
所說如是彼諸比丘聞尊者舍利子所說歡

喜奉行

慙愧經第五竟

中阿含習相應品戒經第六

初一日誦

我聞如是一時佛遊舍衛國在勝林給孤獨園  
爾時世尊告諸比丘若比丘犯戒便害不悔  
歡悅喜止樂定見如實知如真狀無欲解脫  
若無解脫便害涅槃若比丘持戒便習不悔  
歡悅喜止樂定見如實知如真狀無欲解脫  
若有解脫便習涅槃佛說如是彼諸比丘  
聞佛所說歡喜奉行

戒經第六竟

中阿含習相應品戒經第七

初一日誦

我聞如是一時佛遊舍衛國在勝林給孤獨  
園尔時尊者舍梨子告諸比丘諸賢若比丘  
犯戒便害不悔歡悅喜止樂定見如實知如  
真猷無欲解脫若無解脫便害涅槃諸賢猶  
如有樹若害根者則莖幹心節枝葉華實皆  
不得成諸賢當知比丘亦復如是若有犯戒  
便害不悔歡悅喜止樂定見如實知如真猷  
無欲解脫若無解脫便害涅槃諸賢若比丘  
持戒便習不悔歡悅喜止樂定見如實知如  
真猷無欲解脫若有解脫便習涅槃諸賢猶  
如有樹若不害根者則莖幹心節枝葉華實  
皆得成就諸賢當知比丘亦復如是若有持

戒便習不悔歡悅喜止樂定見如實知如真  
獸無欲解脫若有解脫便習涅槃尊者舍梨  
子所說如是彼諸比丘聞尊者舍梨子所說  
歡喜奉行

戒經第七竟

中阿含習相應品恭敬經第八

初一日誦

我聞如是一時佛遊舍衛國在勝林給孤獨  
園尔時世尊告諸比丘比丘當行恭敬及善  
觀敬重諸梵行人若比丘不行恭敬不善觀  
不敬重諸梵行已具威儀法者必無是處不  
具威儀法已具學法者必無是處不具學法  
已具戒身者必無是處不具戒身已具定身

者必無是處不具定身已具慧身者必無是  
處不具慧身已具解脫身者必無是處不具  
解脫身已具解脫知見身者必無是處不具  
解脫知見身已具涅槃者必無是處若比丘  
行恭敬及善觀敬重諸梵行已具威儀法者  
必有是處具威儀法已具學法者必有是處  
具學法已具戒身者必有是處具戒身已具  
定身者必有是處具定身已具慧身者必有  
是處具慧身已具解脫身者必有是處具解  
脫身已具解脫知見身者必有是處具解脫  
知見身已具涅槃者必有是處佛說如是彼  
諸比丘聞佛所說歡喜奉行

恭敬經第八竟

中阿含習相應品恭敬經第九

初一日誦

我聞如是一時佛遊舍衛國在勝林給孤獨園  
爾時世尊告諸比丘比丘當行恭敬及善觀  
敬重諸梵行人若比丘不行恭敬不善觀  
不敬重諸梵行已具威儀法者必無是處不  
具威儀法已具學法者必無是處不具學法  
已護諸根護戒不悔歡悅喜止樂定見如實  
知如真厭無欲解脫不具解脫已具涅槃者  
必無是處若比丘行恭敬及善觀敬重諸梵  
行已具威儀法者必有是處具威儀法已具  
學法者必有是處具學法已具護諸根護戒

不誨歡悅喜止樂定見如實知如真猷無欲  
解脫具解脫已具涅槃者必有是處佛說如  
是彼諸比丘聞佛所說歡喜奉行

恭敬經第九竟

中阿含習相應品本際經第十

初一日誦

我聞如是一時佛遊舍衛國在勝林給孤獨

園尔時世尊告諸比丘有愛者其本際不可  
知本無有愛然今生有愛便可知所知因有  
愛有愛者則有習非無習何謂有愛習答曰  
無明爲習無明亦有習非無習何謂無明習  
答曰五蓋爲習五蓋亦有習非無習何謂五  
蓋習答曰三惡行爲習三惡行亦有習非無

習何謂三惡行習荅曰不護諸根爲習不護  
諸根亦有習非無習何謂不護諸根習荅曰  
不正念不正智爲習不正念不正智亦有習  
非無習何謂不正念不正智習荅曰不正思  
惟爲習不正思惟亦有習非無習何謂不正  
思惟習荅曰不信爲習不信亦有習非無習  
何謂不信習荅曰聞惡法爲習聞惡法亦有  
習非無習何謂聞惡法習荅曰親近惡知識  
爲習親近惡知識亦有習非無習何謂親近  
惡知識習荅曰惡人爲習是爲具惡人已便  
具親近惡知識具親近惡知識已便具聞惡  
法具聞惡法已便具生不信具生不信已便

具不正思惟具不正思惟已便具不正念不正智具不正念不正智已便具不護諸根具不護諸根已便具三惡行具三惡行已便具五蓋具五蓋已便具無明具無明已便具有愛如是此有愛展轉具成明解脫亦有習非無習何謂明解脫習荅曰七覺支爲習七覺支亦有習非無習何謂七覺支習荅曰四念處爲習四念處亦有習非無習何謂四念處習荅曰三妙行爲習三妙行亦有習非無習何謂三妙行習荅曰護諸根爲習護諸根亦有習非無習何謂護諸根習荅曰正念正智爲習正念正智亦有習非無習何謂正念正

智習荅曰正思惟爲習正思惟亦有習非無  
習何謂正思惟習荅曰信爲習信亦有習非  
無習何謂信習荅曰聞善法爲習聞善法亦  
有習非無習何謂聞善法習荅曰親近善知  
識爲習親近善知識亦有習非無習何謂親  
近善知識習荅曰善人爲習是爲具善人已  
便具親近善知識具親近善知識已便具聞  
善法具聞善法已便具生信具生信已便具  
正思惟具正思惟已便具正念正智具正念  
正智已便具護諸根具護諸根已便具三妙  
行具三妙行已便具四念處具四念處已便  
具七覺支具七覺支已便具明解脫如是此

明解脫展轉具成佛說如是彼諸比丘聞佛  
所說歡喜奉行

本際經第十竟

中阿含習相應品食經第十一

初一日誦

我聞如是一時佛遊舍衛國在勝林給孤獨  
園尔時世尊告諸比丘有愛者其本際不可  
知本無有愛然今生有愛便可知所因有  
愛有愛者則有食非無食何謂有愛食荅曰  
無明爲食無明亦有食非無食何謂無明食  
荅曰五蓋爲食五蓋亦有食非無食何謂五  
蓋食荅曰三惡行爲食三惡行亦有食非無  
食何謂三惡行食荅曰不護諸根爲食不護

諸根亦有食非無食。何謂不護諸根。食。答曰：不正念、不正智爲食。不正念、不正智亦有食。非無食。何謂不正念、不正智。食。答曰：不正思惟爲食。不正思惟亦有食。非無食。何謂不正思惟。食。答曰：不信爲食。不信亦有食。非無食。何謂不信。食。答曰：聞惡法爲食。聞惡法亦有食。非無食。何謂聞惡法。食。答曰：親近惡知識爲食。親近惡知識亦有食。非無食。何謂親近惡知識。食。答曰：惡人爲食。是爲食。具惡人已便。具親近惡知識。已便。具聞惡法。已便。具生不信。已便。具不正思惟。已便。具不正念。

不正智具不正念不正智已便具不護諸根  
具不護諸根已便具三惡行具三惡行已便  
具五蓋具五蓋已便具無明具無明已便具  
有愛如是此有愛展轉具成大海亦有食非  
無食何謂大海食荅曰大河爲食大河亦有  
食非無食何謂大河食荅曰小河爲食小河  
亦有食非無食何謂小河食荅曰大川爲食  
大川亦有食非無食何謂大川食荅曰小川  
爲食小川亦有食非無食何謂小川食荅曰  
山巖溪澗平澤爲食山巖溪澗平澤亦有食  
非無食何謂山巖溪澗平澤食荅曰雨爲食  
有時大雨大雨已則山巖溪澗平澤水滿山

巖溪澗平澤水滿已則小川滿小川滿已則大川滿大川滿已則小河滿小河滿已則大河滿大河滿已則大海滿如是彼大海展轉成滿如有愛亦有食非無食何謂有愛食  
荅曰無明爲食無明亦有食非無食何謂無明食荅曰五蓋爲食五蓋亦有食非無食何

謂五蓋食荅曰三惡行爲食三惡行亦有食非無食何謂三惡行食荅曰不護諸根爲食不護諸根亦有食非無食何謂不護諸根食  
荅曰不正念不正智爲食不正念不正智亦有食非無食何謂不正念不正智食荅曰不正思惟爲食不正思惟亦有食非無食何謂

不正思惟食荅曰不信為食不信亦有食非  
無食何謂不信食荅曰聞惡法為食聞惡法  
亦有食非無食何謂聞惡法食荅曰親近惡  
知識為食親近惡知識亦有食非無食何謂  
親近惡知識食荅曰惡人為食是為具惡人  
已便具親近惡知識具親近惡知識已便具  
聞惡法具聞惡法已便具生不信具生不信  
已便具不正思惟具不正思惟已便具不正  
念不正智具不正念不正智已便具不護諸  
根具不護諸根已便具三惡行具三惡行已  
便具五蓋具五蓋已便具無明具無明已便  
具有愛如是此有愛展轉具成明解脫亦有

食非無食何謂明解脫食。答曰：七覺支爲食。  
七覺支亦有食非無食。何謂七覺支？食。答曰：  
四念處爲食。四念處亦有食非無食。何謂四  
念處？食。答曰：三妙行爲食。三妙行亦有食非  
無食。何謂三妙行？食。答曰：護諸根爲食。護諸  
根亦有食非無食。何謂護諸根？食。答曰：正念  
正智爲食。正念正智亦有食非無食。何謂正  
念正智？食。答曰：正思惟爲食。正思惟亦有食  
非無食。何謂正思惟？食。答曰：信爲食。信亦有  
食非無食。何謂信？食。答曰：聞善法爲食。聞善  
法亦有食非無食。何謂聞善法？食。答曰：親近  
善知識爲食。親近善知識亦有食非無食。何

謂親近善知識食。荅曰：善人爲食，是爲具善人。已便具親近善知識具，親進善知識已便具。聞善法具，聞善法已便具。生信具，生信已便具。正思惟具，正思惟已便具。正念正智具，正念正智已便具。護諸根具，護諸根已便具。三妙行具，三妙行已便具。四念處具，四念處已便具。七覺支具，七覺已便具。明解脫如是。此明解脫展轉具成大海，亦有食，非無食。何謂大海食？荅曰：大河爲食，大河亦有食，非無食。何謂大河食？荅曰：小河爲食，小河亦有食，非無食。何謂小河食？荅曰：大川爲食，大川亦有食，非無食。何謂大川食？荅曰：小川爲食，小

川亦有食非無食何謂小川食荅曰山巖溪澗平澤爲食山巖溪澗平澤亦有食非無食何謂山巖溪澗平澤食荅曰兩爲食有時大雨大雨已則山巖溪澗平澤水滿山巖溪澗平澤水滿已則小川滿小川滿已則大川滿大川滿已則小河滿小河滿已則大河滿大河滿已則大海滿如是彼大海展轉成滿如是明解脫亦有食非無食何謂明解脫食荅曰七覺支爲食七覺支亦有食非無食何謂七覺支食荅曰四念處爲食四念處亦有食非無食何謂四念處食荅曰三妙行爲食三妙行亦有食非無食何謂三妙行食荅曰護

諸根爲食護諸根亦有食非無食何謂護諸  
根食荅曰正念正智爲食正念正智亦有食  
非無食何謂正念正智食荅曰正思惟爲食  
正思惟亦有食非無食何謂正思惟食荅曰  
信爲食信亦有食非無食何謂信食荅曰聞  
善法爲食聞善法亦有食非無食何謂聞善

法食荅曰親近善知識爲食親近善知識亦  
有食非無食何謂親近善知識食荅曰善人  
爲食是爲具善人已便具親近善知識具親  
近善知識已便具聞善法具聞善法已便具  
生信具生信已便具正思惟具正思惟已便  
具正念正智具正念正智已便具護諸根具

護諸根已便具三妙行具三妙行已便具四  
念處具四念處已便具七覺支具七覺支已  
便具明解脫如是此明解脫展轉具成佛說  
如是彼諸比丘聞佛所說歡喜奉行

食經第十一竟

中阿含習相應品食經第十二

初一日誦

我聞如是一時佛遊舍衛國在勝林給孤獨  
園尔時世尊告諸比丘有愛者其本際不可  
知本無有愛然今生有愛便可知所因有  
愛有愛者則有食非無食何謂有愛食答曰  
無明為食無明亦有食非無食何謂無明食  
答曰五蓋為食五蓋亦有食非無食何謂五

蓋食荅曰三惡行爲食三惡行亦有食非無  
食何謂三惡行食荅曰不護諸根爲食不護  
諸根亦有食非無食何謂不護諸根食荅曰  
不正念不正智爲食不正念不正智亦有食  
非無食何謂不正念不正智食荅曰不正思  
惟爲食不正思惟亦有食非無食何謂不正  
思惟食荅曰不信爲食不信亦有食非無食  
何謂不信食荅曰聞惡法爲食聞惡法亦有  
食非無食何謂聞惡法食荅曰親近惡知識  
爲食親近惡知識亦有食非無食何謂親近  
惡知識食荅曰惡人爲食大海亦有食非無  
食何謂大海食荅曰雨爲食有時大雨大雨

已則山巖溪澗平澤水滿山巖溪澗平澤水  
滿已則小川滿小川滿已則大川滿大川滿  
已則小河滿小河滿已則大河滿大河滿已  
則大海滿如是彼大海展轉成滿如是具惡  
人已便具親近惡知識具親近惡知識已便  
具聞惡法具聞惡法已便具生不信具生不  
信已便具不正思惟具不正思惟已便具不  
正念不正智具不正念不正智已便具不護  
諸根具不護諸根已便具三惡行具三惡行  
已便具五蓋具五蓋已便具無明具無明已  
便具有愛如是此有愛展轉具成明解脫亦  
有食非無食何謂明解脫食荅曰七覺支爲

食七覺支亦有食非無食何謂七覺支食荅  
曰四念處爲食四念處亦有食非無食何謂  
四念處食荅曰三妙行爲食三妙行亦有食  
非無食何謂三妙行食荅曰護諸根爲食護  
諸根亦有食非無食何謂護諸根食荅曰正  
念正智爲食正念正智亦有食非無食何謂  
正念正智食荅曰正思惟爲食正思惟亦有  
食非無食何謂正思惟食荅曰信爲食信亦  
有食非無食何謂信食荅曰聞善法爲食聞  
善法亦有食非無食何謂聞善法食荅曰親  
近善知識爲食親近善知識亦有食非無食  
何謂親近善知識食荅曰善人爲食大海亦

有食非無食何謂大海食荅曰雨為食有時  
大雨大雨已則山巖溪澗平澤水滿山巖溪  
澗平澤水滿已則小川滿小川滿已則大川  
滿大川滿已則小河滿小河滿已則大河滿  
大河滿已則大海滿如是彼大海展轉成滿  
如是善人具已便具親近善知識具親近善

知識已便具聞善法具聞善法已便具生信  
具生信已便具正思惟具正思惟已便具正  
念正智具正念正智已便具護諸根具護諸  
根已便具三妙行具三妙行已便具四念處  
具四念處已便具七覺支具七覺支已便具  
明解脫如是此明解脫展轉具成佛說如是

彼諸比丘聞佛所說歡喜奉行

食經第十二竟

中阿含習相應品盡智經第十三

初一日誦

我聞如是一時佛遊拘樓瘦在劔摩瑟曇拘  
樓都邑介時世尊告諸比丘有知有見者便  
得漏盡非不知非不見云何知見便得漏盡  
謂知見苦如真便得漏盡知見苦習知見苦  
滅知見苦滅道如真便得漏盡盡智有習非  
無習何謂盡智習荅曰解脫為習解脫亦有  
習非無習何謂解脫習荅曰無欲為習無欲  
亦有習非無習何謂無欲習荅曰厭為習厭  
亦有習非無習何謂厭習荅曰見如實知如

真爲習見如實知如真亦有習非無習何謂  
見如實知如真習荅曰定爲習定亦有習非  
無習何謂定習荅曰樂爲習樂亦有習非無  
習何謂樂習荅曰止爲習止亦有習非無習  
何謂止習荅曰喜爲習喜亦有習非無習何  
謂喜習荅曰歡悅爲習歡悅亦有習非無習何  
謂歡悅習荅曰不悔爲習不悔亦有習非無  
習何謂不悔習荅曰護戒爲習護戒亦有習  
非無習何謂護戒習荅曰護諸根爲習護諸  
根亦有習非無習何謂護諸根習荅曰正念  
正智爲習正念正智亦有習非無習何謂正  
念正智習荅曰正思惟爲習正思惟亦有習

非無習何謂正思惟習。答曰信爲習。信亦有  
習。非無習何謂信。習。答曰觀法忍爲習。觀法  
忍亦有習。非無習何謂觀法忍。習。答曰翫誦  
法爲習。翫誦法亦有習。非無習何謂翫誦法  
習。答曰受持法爲習。受持法亦有習。非無習  
何謂受持法。習。答曰觀法義爲習。觀法義亦  
有習。非無習何謂觀法義。習。答曰耳界爲習。  
耳界亦有習。非無習何謂耳界。習。答曰聞善  
法爲習。聞善法亦有習。非無習何謂聞善法  
習。答曰往詣爲習。往詣亦有習。非無習何謂  
往詣。習。答曰奉事爲習。若有奉事善知識者  
未聞便聞。已聞便利。如是善知識若不奉事。

者便害奉事習若無奉事便害往詣習若無  
往詣便害聞善法習若不聞善法便害耳界  
習若無耳界便害觀法義習若無觀法義便  
害受持法習若無受持法便害翫誦法習若  
無翫誦法便害觀法忍習若無觀法忍便害  
信習若無信便害正思惟習若無正思惟便  
害正念正智習若無正念正智便害護諸根  
護戒不悔歡悅喜止樂定見如實知如真狀  
無欲解脫習若無解脫便害盡智習若奉事  
善知識者未聞便聞已聞便利如是善知識  
若奉事者便習奉事若有奉事便習往詣若  
有往詣便習聞善法若有聞善法便習耳界

若有耳界便習觀法義若有觀法義便習受  
持法若有受持法便習翫誦法若有翫誦法  
便習觀法忍若有觀法忍便習信若有信便  
習正思惟若有正思惟便習正念正智若有  
正念正智便習護諸根護戒不悔歡悅喜止  
樂定見如實知如真厭無欲解脫若有解脫

便習盡智佛說如是彼諸比丘聞佛所說歡  
喜奉行

盡智經第十三竟

中阿含習相應品涅槃經第十四

初一日誦

我聞如是一時佛遊舍衛國在勝林給孤獨  
園尔時世尊告諸比丘涅槃有習非無習何

謂涅槃習荅曰解脫為習解脫亦有習非無  
習何謂解脫習荅曰無欲為習無欲亦有習  
非無習何謂無欲習荅曰馱為習馱亦有習  
非無習何謂馱習荅曰見如實知如真為習  
見如實知如真亦有習非無習何謂見如實  
知如真習荅曰定為習定亦有習非無習何  
謂定習荅曰樂為習樂亦有習非無習何謂  
樂習荅曰止為習止亦有習非無習何謂止  
習荅曰喜為習喜亦有習非無習何謂喜習  
荅曰歡悅為習歡悅亦有習非無習何謂歡  
悅習荅曰不悔為習不悔亦有習非無習何  
謂不悔習荅曰護戒為習護戒亦有習非無

習何謂護戒習荅曰護諸根為習護諸根亦  
有習非無習何謂護諸根習荅曰正念正智  
為習正念正智亦有習非無習何謂正念正  
智習荅曰正思惟為習正思惟亦有習非無  
習何謂正思惟習荅曰信為習信亦有習非  
無習何謂信習荅曰苦為習苦亦有習非無  
習何謂苦習荅曰老死為習老死亦有習非  
無習何謂老死習荅曰生為習生亦有習非  
無習何謂生習荅曰有為習有亦有習非無  
習何謂有習荅曰受為習受亦有習非無習  
何謂受習荅曰愛為習愛亦有習非無習何  
謂愛習荅曰覺為習覺亦有習非無習何謂

覺習荅曰更樂為習更樂亦有習非無習何  
謂更樂習荅曰六處為習六處亦有習非無  
習何謂六處習荅曰名色為習名色亦有習  
非無習何謂名色習荅曰識為習識亦有習  
非無習何謂識習荅曰行為習行亦有習非  
無習何謂行習荅曰無明為習是為緣無明  
行緣行識緣識名色緣名色六處緣六處更  
樂緣更樂覺緣覺愛緣愛受緣受有緣有生  
緣生老死緣老死苦習苦便有信習信便有  
正思惟習正思惟便有正念正智習正念正  
智便有護諸根護戒不悔歡悅喜止樂定見  
如實知如真猷無欲解脫習解脫便得涅槃

佛說如是彼諸比丘聞佛所說歡喜奉行  
涅槃經第十四竟

中阿含習相應品彌醯經第十五 初一日誦

我聞如是一時佛遊摩竭陀國在闍闔村莽  
捺林窟尔時尊者彌醯爲奉侍者於是尊者  
彌醯過夜平旦著衣持鉢入闍闔村而行乞  
食乞食已竟往至金鞞河邊見地平正名好  
捺林金鞞河水極妙可樂清泉徐流冷暖和  
適見已歡喜便作是念此地平正名好捺林  
金鞞河水極妙可樂清泉徐流冷暖和適若  
族姓子欲學斷者當於此處我亦有所斷寧  
可在此靜處學斷耶於是彌醯食訖中後攝

衣鉢已澡洗手足以居師壇著於肩上往詣  
佛所稽首礼足却住一面白曰世尊我今平  
旦著衣持鉢入闍闔村而行乞食乞食已竟  
往至金鞞河邊見地平正名好捺林金鞞河  
水極妙可樂清泉徐流冷暖和適我見喜已  
便作是念此地平正名好捺林金鞞河水極  
妙可樂清泉徐流冷暖和適若族姓子欲學  
斷者當於此處我亦有所斷寧可在此靜處  
學斷耶世尊我今欲往至彼捺林靜處學斷  
尔時世尊告曰弥醯汝今知不我獨無人無  
有侍者汝可小住須比丘來爲吾侍者汝便  
可去至彼捺林靜處而學尊者弥醯乃至再

三白曰世尊我今欲往至彼捺林靖處學斷  
世尊亦復再三告曰彌醯汝今知不我獨無  
人無有侍者汝可小住須比丘來爲吾侍者  
汝便可去至彼捺林靖處而學彌醯復白曰  
世尊無爲無作亦無所觀世尊我有爲有作  
而有所觀世尊我至彼捺林靜處學斷世尊  
告曰彌醯汝欲求斷者我復何言彌醯汝去  
隨意所欲於是尊者彌醯聞佛所說善受善  
持而善誦習即禮佛足繞三匝而去詣彼捺  
林入林中已至一樹下敷座師壇結跏趺坐  
尊者彌醯住捺林中便生三惡不善之念欲  
念恚念及與害念彼由此故便念世尊於是

彌醯則於晡時從宴坐起往詣佛所稽首禮足却任一面白曰世尊我至捺林於靜處坐便生三惡不善之念欲念恚念及與害念我由此故便念世尊世尊告曰彌醯心解脫未熟欲令熟者有五習法云何爲五彌醯比丘者自善知識與善知識俱善知識共和合彌醯心解脫未熟欲令熟者是謂第一習法復次彌醯比丘者修習禁戒守護從解脫又復善攝威儀禮節見纖介非常懷畏怖受持學戒彌醯心解脫未熟欲令熟者是謂第二習法復次彌醯比丘者謂所可說聖有義令心柔軟使心無蓋謂說戒說定說慧說解脫說

解脫知見說漸損說不樂聚會說少欲說知  
足說斷說無欲說滅說宴坐說緣起得如是  
比沙門所說具得易不難得 彌醯心解脫未  
熟欲令熟者是謂第三習法復次 彌醯比丘  
者常行精進斷惡不善修諸善法恒自起意  
專一堅固爲諸善本不捨方便 彌醯心解脫  
未熟欲令熟者是謂第四習法復次 彌醯比  
丘者修行智慧觀興衰法得如是智聖慧明  
達分別曉了以正盡苦 彌醯心解脫未熟欲  
令熟者是謂第五習法彼有此五習法已復  
修四法云何爲四修惡露令斷欲修慈令斷  
恚修息出息入令斷亂念修無常想令斷我

慢弥醯若比丘自善知識與善知識俱善知識共和合當知必修習禁戒守護從解脫又復善攝威儀禮節見纖介罪常懷畏怖受持學戒弥醯若比丘自善知識與善知識俱善知識共和合當知必得所可說聖有義令心柔軟使心無蓋謂說戒說定說慧說解脫說解脫知見說漸損說不樂聚會說少欲說知足說斷說無欲說滅說宴坐說緣起得如是比沙門所說具得易不難得弥醯若比丘自善知識與善知識俱善知識共和合當知必修精進斷惡不善修諸善法恒自起意專一堅固為諸善本不捨方便弥醯若比丘自善

知識與善知識俱善知識共和合當知必行  
智慧觀興衰法得如此智聖慧明達分別曉  
了以正盡苦 彌醯若比丘自善知識與善知  
識俱善知識共和合當知必修惡露令斷欲  
修慈令斷恚修息出息入令斷亂念修無常  
想令斷我慢 彌醯若比丘得無常想者必得  
無我想 彌醯若比丘得無我想者便於現法  
斷一切我慢得息滅盡無為涅槃佛說如是  
尊者 彌醯及諸比丘聞佛所說歡喜奉行

彌醯經第十五竟

中阿含習相應品即為比丘說經第十六

初一日誦

我聞如是 時佛遊舍衛國在勝林給孤獨  
園尔時世尊告諸比丘心解脫未熟欲令熟  
者有五習法云何爲五比丘自善知識與善  
知識俱善知識共和合心解脫未熟欲令熟  
者是謂第一習法復次比丘修習禁戒守護  
從解脫又復善攝威儀禮節見纖介非常懷  
畏怖受持學戒心解脫未熟欲令熟者是謂  
第二習法復次比丘謂所可說聖有義令心  
柔軟使心無蓋謂說戒說定說慧說解脫說  
解脫知見說漸損說不樂聚會說少欲說知  
足說斷說無欲說滅說宴坐說緣起得如是  
比沙門所說具得易不難得心解脫未熟欲

令熟者是謂第三習法復次比丘常行精進  
斷惡不善修諸善法恒自起意專一堅固為  
諸善本不捨方便心解脫未熟欲令熟者是  
謂第四習法復次比丘修行智慧觀興衰法  
得如此智聖慧明達分別曉了以正盡苦心  
解脫未熟欲令熟者是謂第五習法彼有此  
五習法已復修四法云何為四修惡露令斷  
欲修慈令斷恚修息出息入令斷亂念修無  
常想令斷我慢若比丘自善知識與善知識  
俱善知識共和合當知必修習禁戒守護從  
解脫又復善攝威儀禮節見纖介非常懷畏  
怖受持學戒若比丘自善知識與善知識俱

善知識共和合當知必得所可說聖有義令  
心柔更使心無蓋謂說戒說定說慧說解脫  
說解脫知見說漸損說不樂聚會說少欲說  
知足說斷說無欲說滅說宴坐說緣起得如  
是比沙門所說具得易不難得若比丘自善  
知識與善知識俱善知識共和合當知必行  
精進斷惡不善修諸善法恒自起意專一堅  
固為諸善本不捨方便若比丘自善知識與  
善知識俱善知識共和合當知必行智慧觀  
興衰法得如此智聖慧明達分別曉了以正  
盡苦苦比丘自善知識與善知識俱善知識  
來和合當知必修惡露令斷欲修慈令斷恚

修息出息入令斷。亂念修無常想，令斷我慢。若比丘得無常想者，必得無我想。若比丘得無我想者，便於現法斷一切我慢，得息滅盡。無為涅槃，佛說如是。彼諸比丘聞佛所說，歡喜奉行。

即為比丘說經第十六竟

中所舍習相應品第五竟

初一日誦

中所舍經卷第十

彌醯

下呼及

莖幹

下古案及枝也

莽

上母朗及草一也

惡露

上烏故及

